

中國地方志集成

河北府縣志輯 ⑤③

同治武邑縣志

民國冀縣志

雍正魏縣志

上海書店 ● 巴蜀書社 ● 江蘇古籍出版社

重修武邑縣志序

周官大司徒掌土地之圖辨人民之數辨五地之物生而相其宜必申之以保息存休之利進之以德行道藝之書下至州長縣師胥率此以敷政而宜或其時掌邦

國之志有小史掌四方之志有外史得失利病皆書之以貢諫天子志之與治相表裏由來尚矣後代郡縣志皆率小史外史之類而世每謂志一邑難于治一邑然不周知一邑之土田財賦戶口風俗何以慎

封守而遂或生不周知一邑之往訓哲其與夫因革損益之故何以宣風教而正其志治莫大於茲養志也者著是邦教養之宜其良有司茲養之善否而懸後起之的鵠也治而不存談志其為治也

欲無失之闕且戾焉者鮮矣同治十年春美由刑部改外承武邑明年奉大府飭屬脩志之檄以備通志之採擇因與邑之賢士大夫綢羅探討參互稽核草創既具郵寄京都求吾友

銓部龍君文彬為之釐正發凡
酌例補闕訂訛先後五閱月而
告竣竊謂志難于治志武邑尤難
於他邑他邑之志數十年一脩百年
一脩前有依據後有考証纂集
尤易為力武邑自漢置縣歷二千

八百禩志察闕如至明萬歷庚
寅王君學易始撰又百年為
國朝康熙甲戌許君維樞續脩
其間滄桑迭更曠隔遼邐率
畧相仍不能犁然具備若勢
也雖代遠年湮未嘗不幸賴

此千百什一之存而缺訛則已多
矣今距其時百七十有九年事
實日積久故難徵兵燹屢經卷
冊殘毀零碑斷碣埋沒于蔓草
荒煙中者不知凡幾父老鮮能
通其詳秘佚無從証其惑覽

討之艱視草創何如識者合舊
志參觀當有以信難于志他邑
之言為非謬也然而誣其難終
無與賡而續之揔植索塗愈
失愈遠能無為耒耜慮乎美智
淺學燕下車以來夙夜惕息

懼無以改表養之責每月于院
督課磨切後者講求弗倦今
重三稔士習成風之移易完
何如哉美之于治未始有以愜
厥心況其所以為志者編輯于
萬難之餘敢謂信今而傳後

五

耶然於慎公審悔逆體制區
々之心竊可共白乎曰非知々
艱行之維艱美願鏡古自厲
斬今悖于國官教養之旨庶
幾免乎闇且戾之譏至於漏
篆闕之時見於篇深望後々

君子鍾事而補救之也同治十一
年仲冬月知武邑縣事安福
彭美撰并書



六

序

地志昉於禹貢詳於職方自漢以來孟堅之地理志甫之郡縣樂史之寰宇王存之九域宏製鉅典代積彌廣而後世郡縣亦各有編纂以為徵文考獻之資邱瓊山謂世

有千載不刊之書無百年不修之志蓋其重也使曠代莫舉不惟無以綜核故實而所謂課農桑敦教化諸大政將茫乎其無措志之關於吏治也豈細故哉吾武邑舊志修於

國朝康熙時多草創缺略未備越今百八十年未有起而議修者事增於前文闕於後屢經戎馬蹢躅圖書灰燼欲從帙散簡佚之餘重加纂輯其體則因其功不倍艱於創哉同治十年春彭侯美以名進

士出宰茲土甫下車以舉行團練廣厲書院為急務本易直子諒之心達精勤明敏之政德理敷營士愜民和已而大府奏修畿輔通志檄各郡縣纂修志乘以備採錄侯乃禮延名宿開局授簡遠搜秘佚

旁採聽覩務期典核精詳體制嚴
簡稿成諸父老攜至京都問序於
香披閱再三見本末源流燦如秩
如正舊志舛訛之失無附會假借
之陋康之武功陸之靈壽其能專
美於前耶侯雲騫星煥功用方興

而吾邑首被撫摩是編之成亦足
以見勤求治理之一端矣舉數千
百年之因革損益懿訓卓行臚列
簡冊瞭如指掌後之覽者因是而
求其所以為政其為利於吾邑詎
有既極哉香雖不獲與其役樂觀

典章之完備足備輶軒之採而為
美風善俗者之一助也因援筆而
僭敘其端

同治十一年壬申冬月鴻臚寺正
卿邑人楊書香撰

舊志序

志識也所以稽古傳後也其法濫備於成周職方氏漢唐而下代有地理志我聖祖馭宇握乾萬方職貢有一統志兩京諸省有通志郡邑有境內之志不出戶庭而周知天下之物者恃此也志之爲義大矣哉不佞已丑歲承乏茲土季夏渡河而西驅車入境歷馬回臺踰觀津憑軾左顧隱隱隆隆突出一高阜御僕曰此漢朝竇氏青山也竊計名區古蹟風氣鬱蒼人物醇厚必有志乘以識其勝下車未幾詢及左右左右未知詢及耆庶耆庶未知詢及士大夫士大夫曰噫嘻武邑無志久矣間有欲修者屢作屢輟未果也不佞慨然久之因矢志纂集每值公餘百方搜索考諸典籍采諸草野質諸縉紳積少成多敦延廣文黃君試屬以總理協以學博王君有臣左君逢源庠髦李養正輩參酌筆削編摩考訂再閱月而藁成首分野次沿革以及食貨職官典禮選舉人物官室雜志藝文目凡有十天文地理古今名物民風土俗廢興因革犇然粗備後之宜茲土生茲土者觀風問治不庶幾歷歷可考耶顧事莫難於創始美則待於續成茲舉也採摭於往昔者漏遺實多

武邑縣志

首卷 舊序

一

撥拾於見聞者疑信相襲博雅君子後必有起而續之者若以是爲一邑之完書用傳永永則吾豈敢萬歷十八年仲秋知武邑縣事渤海王學易撰

志者史之流也周禮小史掌邦國之志謂諸侯國誌止於奠繫世辨昭穆而已外史掌四方之志謂郡國之記則郡邑志所由昉也辛未仲春余莅任武邑披閱邑乘乃萬歷十八年王君所撰多闕焉未備距今百有餘歲宜補者多嗣得安生袁龍續稿一編公餘之暇及廵歷所經廣詢博考增爲續志邑紳翟君國桓從懇囑舊志爲一書廣募

武邑縣志

首卷 舊序

二

以刻之其用意良深遠矣夫劉向列女傳得皇甫謐後傳而龐娥親姜敘母之事益奇劉歆漢紀得葛洪西京紀而梁園賦盛覽書之傳益著萬震南州志得魏允南中志而食鐵獸食毒鹿之類益詳此後志與前志相爲輝映也唐蒙博物記至張華博物志而靈異之蹟以詳譙周巴蜀志至常璩華陽國志而士女之倫以備趙抃成都紀至楊慎四川總志而金石之文以顯此合志與分志尤爲該備也然則求其舊亦圖其新始乎分亦卒乎合非作志者所當務乎余不敏從事於茲凡四年而告成蓋其難哉志天文

以備仰觀志地理以當俯察志賦役以徵物力志職官以表聯常志典禮以端風化志選舉以尚賢能志人物以取德才志廨宇以著創修志藝文以觀制作而一邑之典章文物畧備於斯矣不敢炫博矜奇而考其實闕其疑以成一邑之完書俾觀覽者知勸戒焉翟君輩相與有成因述其概梗而弁於簡端康熙甲戌知武邑縣事武進許維樞撰

武邑縣志

首卷 舊序

三

重修武邑縣志

總脩

同知銜武邑縣知縣安福彭 美

纂訂

吏部考功司主事永新龍文彬

分纂

候補教授完縣訓導袁 珣

參閱

武邑教諭定州楊 灝

武邑縣志

姓氏

武邑教諭順德張鳳治

武邑訓導易州王守倫

甲辰科舉人國履中

候選教諭拔貢生馮孟栢

校對

優 廩 生甄雲浦

六品軍功廩生李玉堂

督梓

六品銜候補主簿武邑典史承德戚宗焄

經理

五品頂戴武庠生閻掄閣

增貢生閻華宗

布政司理問銜李廂

從九品李珍

從九品李恩

八品頂戴曹景華

武邑縣志

姓氏

二

武邑縣志凡例

一武邑舊無志始纂於明王君學易迄

國朝康熙間許君維樞重修王志不可見僅存許志缺訛太甚

難資考核茲歷一百七十餘年事實日積文獻難徵同治

二年兩次城陷卷冊被燬秩官選舉名姓已難盡考何況

事蹟雖旁搜博採疎漏仍多是以未能滿志云爾

一縣志有縣志之體徒繁稱博引恐於本縣事蹟反多疎畧

茲編謹從簡嚴凡非關本縣及歷代沿革之際非實與本

縣相繫者不敢旁徵

武邑縣志

首卷 凡例

一

一舊志次序凌亂隸事牽強今釐定篇次綱舉目張期於體

約事詳參觀自見其他錯誤闕漏或增或刪隨條辨正不

能悉數

一疆宇沿革舊志缺畧分合淵流苦難尋究茲撰表附地圖

後以標眉目更於方輿志內廣引羣書証明詳畧互見俾

觀者瞭如指掌

一河渠遷徙無常關係甚鉅凡經流武邑之水雖近已改道

必據諸書詳載於冊

一營建志中凡昔有今廢者仍載基址以待後人修復

一典禮學校備載會典士民罕見其書詳彙於編以資稽考
舊志人物載孫惠武邑武遂人前漢武隧屬河間國後漢曰
蔚按惠蔚晉書載

武遂屬安平國晉太康七年置武邑郡以武邑武強武遂
觀津屬後魏皇始二年移武邑郡治武強北齊廢郡併武
遂入武強隸長樂郡惠蔚太和初舉孝廉時武遂武強俱
屬武邑郡故載武邑武遂人并非武邑縣人元和志武遂
故城在武強東北武邑在武強南當時地形武邑與武強
連不與武遂連後武遂併入武強宜作武強人若牽秀劉
道斌俱載武邑觀津人觀津本武邑舊地後還併入武邑

武邑縣志

首卷 凡例

三

乃可作武邑人史書以郡繫縣此類甚多如後魏書馬八
龍亦載武邑武強人北齊書孫靈暉載長樂武強人靈暉
惠蔚族曾孫也是時武邑郡廢武遂已併武強隸長樂故
通志載惠蔚武遂人靈暉武強人各從其實非有參錯也
舊志不按郡縣分合更隸之由但因本傳有武邑二字遂
作武邑人然則八龍靈暉何以不載反覆詳求似覺無謂
且北史蘇瓊亦載長樂武強人州志辨瓊係武強人因向
隸武邑郡誤入武邑特未論及惠蔚然已刪削不載茲據
正史旁參諸書惠蔚宜入武強志不宜入武邑志非比張

載有兩安平諸說互異尙在疑似間也故不敢錄

一舊志職官言嶽廟碑陰官名甚眾皆元制惜不按名登載
知當時非盡無徵奈刪削過甚今碑毀無可考但據藝文
兩學記補載達魯花赤三員閱者宜有以諒其苦心

一舊志名姓或有訛異如李貞誤作禎崔辯誤作辦據史傳
更之訓導黃學黃誤作王據州志及康海學記更之至如
徐璉則明史稿一統志江西通志諸書俱作朝邑人是史
傳亦有因仍相訛之處凡有可考証必博參更定其所援
引隨條註明若無可考証並存其說不敢臆斷

武邑縣志

首卷 凡例

三

一舊志無名宦但於職官題名下用空泛數字贊述未足徵
信茲擇其實有一二事蹟堪紀者仍舊登載以昭激勵
一仕宦併入選舉其有文行最優者別詳人物志
一人物志有見於正史者雖未能全錄本傳其文學政績卓
然可傳者宜備載以式來茲舊志刪削太甚每傳止留數
行於其人之梗概本末無從窺見茲據史傳補載用備觀
法

一舊志選舉中進士者不載舉人今俱補列其有與州志通
志不符或州志載通志不載者如袁鼎舊志作袁鼎中景

泰庚午科州志通志無中字俱載正統丁卯今據改正楊奎宏治癸丑進士州志載成化癸卯舉人通志是科止有楊潤無縣名未知潤字即奎字之訛否抑後來改名奎否今據州志補入粘本盛舊志未載科分州志通志俱無其名張珣康熙壬子舉人與州志同通志未載據甯世璇奎星閣記有清興三十二載一發於戊戌再舉於壬子云云按張爾翼係戊戌進士則張珣係壬子舉人無疑恐通志遺漏存以備考

一武邑人物宋以前俱見正史自元至今以文學政績顯者

武邑縣志

首卷 凡例

四

僅五人餘皆篤行之士故照武功志例依朝代編次不分名目

一舊志脫訛間參之州志但其中亦有錯誤如以景儉之名為訛蘇安恒救魏元忠疏誤為佳楷作之類今悉據史傳正之

一志乘列女多以節孝貞烈標題但其間有專以節以烈顯者有兼以孝著者茲遵史體不分名目但依朝代編次入國朝則先列已旌次未旌其間年分不無倒亂閱者諒之

一武邑藝文無多其見於正史者照本傳詳載餘依范成大

吳郡志例散附各條但范志藝文另列書目武邑寓賢無考本邑人所著寥寥已附載人物故不立藝文志

一各卷分類簡嚴以綱統目各從其類至祥異兵事諸條凡政治所關事勢未能成卷者俱彙於雜記以資考鏡

一茲編採輯為體則因功難於創美才愧劣下勉從簿書之暇與諸君悉心商榷其博稽詳搜考核筆削皆承新龍君

文彬之力分纂則完縣訓導袁君珣參校採訪諸人俱書名於後

凡有有功於志事例當備書稿凡數易五閱月而告成後有作者或堪以是為始基之藉焉美又識

武邑縣志

首卷 凡例

五

武邑縣志目錄

卷之二

方輿志

卷之二

營建志

卷之三

賦役志

卷之四

學校志

卷之五

典禮志

卷之六

秩官志

卷之七

選舉志

卷之八

人物志

武邑縣志


首卷 目錄



卷之九

列女志

卷之十

雜事志





沿革表
舊志無表茲因歷代建置互更源流分合難於尋
究撰沿革表附地圖後以便觀覽引用諸書詳方

志與

朝代

統轄

州郡

縣邑

唐

冀州東北

虞

冀州

夏

冀州

商

冀州

周

并州

武邑縣志

首卷 沿革表

晉

秦

鉅鹿郡

觀津

漢

冀州

信都國

武邑觀津東昌

景帝前
二年

冀州

廣川國

武邑觀津東昌

五年

冀州

信都郡

武邑觀津東昌

中二
年

冀州

廣川國

武邑觀津東昌

宣帝甘
露四年

冀州

信都國

武邑觀津東昌

東漢

冀州

安平國

武邑觀津東昌

安帝延
光元年

冀州

安平國

武邑觀津東昌

魏

冀州

安平國

武邑觀津

晉

冀州

安平國

武邑觀津

武帝太
康十年

冀州

武邑郡
領縣

武邑觀津

後魏

冀州

武邑郡
太祖皇
年移治廢

武邑改觀津舊津

比齊宣
帝保七
年

冀州

武邑郡廢

武邑縣廢

隋文帝
開皇十
六年

冀州

信都郡

復置武邑廢觀津

開皇十
六年

冀州

信都郡

武邑全武邑廢

煬帝大
業三年

冀州

信都郡

廢昌亭入武邑

唐高祖
武德四
年

河北道

冀州

武邑復置

武邑縣志

首卷 沿革表

二

六年

冀州總管府

武邑昌亭

太宗貞
觀元年

河北道

冀州

武邑昌亭廢

高宗龍
朔二年

魏州都督府

武邑

咸亨三
年

河北道

冀州

武邑

元宗開
元二十年

幽州節度使

冀州

武邑

天寶元
年

信都郡

武邑

肅宗乾
元元年

河北道

冀州

武邑

代宗廣
德元年

成德軍節度使

冀州

武邑

五代梁

武順軍節度使

冀州

武邑

[illegible]

武邑縣志卷一

方輿志

州縣舊志第言武邑古觀津地按路史實夏時武羅之國置縣自漢始其後郡縣分合歷代更隸而武邑之名二千餘年未改蓋縣之最古云茲博稽諸書考核源流上探矚次下畫井疆非直明故實資採擇也吏茲土者按籍而稽思整理撫綏之術亦訓俗型方之一助爾志方輿

星野

爾雅大梁昴也西陸昴也濁謂之畢周禮保章注大梁

武邑縣志

卷一

方輿

趙也 史記胃爲天倉昴曰髦頭畢曰罕軍 正義胃三星 昴七星畢八

星爲大梁於辰
在酉趙之分野
春秋元命苞
昴畢間爲天街
散爲冀州分

爲趙國
漢書趙地昴畢之分野北有信都眞定常山中

山星經辰星主恒山冀州幽州并州又趙二星在鄭之

南 又玉衡第三星主冀州常以五戌日候之甲戌爲魏

郡渤海丙戌爲安平戊戌爲鉅鹿河間庚戌爲清河趙國

壬戌爲常山 晉書自胃七度至畢十一度爲大梁於辰

在西趙之分野屬冀州費直起婁十度又昴畢趙冀州信蔡邕起胃一度

都入畢三度安平入畢四度新唐書胄昂畢大梁也初胄